



國家清史編纂委員會・文獻叢刊

清代詩文集彙編

國家清史編纂委員會・文獻叢刊

# 清代詩文集彙編

《清代詩文集彙編》編纂委員會 編

上海古籍出版社

清代詩文集彙編 一六二

延芬堂集二卷（春星堂詩集之卷六卷七） 汪鶴孫撰

一

突星閣詩鈔十五卷 王 戩撰

二七

江辰六文集二十四卷首一卷 江 闡撰

一七七

春星堂詩集卷第六

梅坡先生諱鶴孫號雲遠與可先生長子康熙己酉科亞魁癸丑會魁翰林院庶吉士少無宦情雖早入詞館即請假南旋性好遊神情飛動識解過人虞山目爲間鍾之才早年生子女輒不有哭之甚哀每一念之疑身是眼淚結成其鍾情如此年七十沒於江都按集中將赴都門詩云最愛前賢肝鬲語時清終未忍辭官又庚寅十一月都門寓齋書懷云偶逐鶯花入帝城五湖風景有誰爭豈知遲暮飄零日齋座重看列姓名註云時開列五科進士進呈賤子亦屬名其間則是富供職承明也著有延芬堂集別有匯香詞陸拒石毛稚黃爲之序行棲碧堂集二卷今逸授文林郎娶柴氏諱贈孺人無嗣繼教亭之子師韓爲孫歸葬西湖雞籠山

春星堂詩集卷七

小傳

一 蒙臨汪氏遺書  
川 夕 三 川

延芬堂集

春星堂詩集卷第六

梅坡先生諱鶴孫字雲遠然明先生之孫錢塘縣學生與可公諱玉立之長子中康熙己酉鄉試癸丑成進士改庶吉士少無宦情雖早入詞館即請假南旋性好遊年臻七十沒於江都歸葬西湖雞籠山生平詩最富自中歲已刻有梅坡詩鈔六卷後又增刪爲棲碧堂集凡二十三卷晚年有延芬堂定本二十卷亦嘗鋟版而版不全且不編年前後錯出今檢舊篋中得先生手自評選之本鈔成上下卷其題載年月者備錄之以存大概別有匯香詞同里陸拒石毛稚黃兩先生皆有序先已刊行

序

春星堂詩集卷六

延芬堂集上

一 蒙臨汪氏遺書  
川 夕 三 川

公卿不下士久矣間有承轡咳同杯酒者大抵皆庸奴媚子覬覦其炙手可熱而親附之初非公卿攬取之禮下之也又有慕下士之聲者廣延聞人羅致食客動以十百計自以爲天下之士盡在此矣要其所得又皆浮華虛僞之徒其有挺特知義挾道自重不屑屑求知於人者固未嘗肯以衣裾襍其門也如此則與牢關固距卻客而不納者一而已矣梅坡先生無好士名而其與吳子野人交最善通有無恤緩急拯患難不啻骨肉兄弟吳子野人者卽予所稱挺特知義挾道自重不屑屑求知於人者也先生何自而知吳子吳子何自而受先生之知誠不可曉今年夏秋再遇先生於海陵得其詩翫而復之始憬然微悟曰有以也夫先生之知吳子與吳子之受知於先生也予讀其詩非徒名章警句度越錢劉穿

穴李杜不從人間來卽其議論風旨往往欲與馭風騎氣者  
遊視世人汲汲營營曾不識爲何事乃歎士大夫自非窮經  
汲古領袖風雅徹履名利安能得天下之士而友之雖然吳  
子國士先生愛重之固當朽鈍如予亦蒙不外者何豈其嗜  
痂食棗每况愈下欺抑以予雖不獲望吳子乃其麋鹿之性  
烟霞之疾亦不甚相遠故引而近之數平居自惟予與吳子  
野人慕長林戀豐草自分身名俱滅矣第安知天壤之內館  
閣之中不有如宋景文與歐陽永叔其人者修史書探遜客  
爲吾兩人存其姓名使得方軌陸羽盧鴻於千載之上者乎  
邂逅先生庶幾其人而非予所敢希慕也姑因長者之命論  
次其詩并其交歡吳子以及予者如此於以見公卿士大夫  
必讀書樂道忘勢而後可以得士又必擇天下第一流相與  
磨礪講貫而後可以立言又因以歎挺特之彥不過有道而  
文如先生爲依歸必將長伏衡茅老死巖石曾不得與浮華  
虛僞之徒微趙平原之豪舉而叨張廷尉之浮慕者又何可  
勝道也哉又何可勝道也哉淮南陸廷掄懸圖撰

春星堂詩集卷六

延芬堂集上

二 藏陸氏遺書

過漂母祠

丙寅

一針王孫事亦奇淮流森森夕陽時炎涼一載俱嘗盡艤棹來  
題漂母詩

春日登天津城樓

傳聞此地金湯固創自前朝卜洛年澤國寒多春較晚城樓野  
望景尤偏上流爭飲豪家馬返照多停賈客舡吟眺不堪鄉思  
切尋花載酒興蕭然

酬劉鏡龕次張萃山韻

駿馬長鳴日蛾眉只索居玉禾驚歲晚團扇及秋疎荷鐻宜航  
酒燃藜莫校書幽棲能結伴選勝到精廬

和劉鏡龕中秋遇雨同友夜坐之作

中秋成雨夕對影似傷離皓月本不沒清光未可期燈明聊勸  
酒墨潤其研辭城北羈栖客孤情獨爾知

題南山四結圖

披圖觀隱逸俗塵紛已掃羣項方紛然斯人獨高蹈陸準不得  
臣翻爲嗣君造與人國家事無乃及昏耄定儲亦偶然終弗違  
所好名山何巉巖古木極森奧衣冠旣偉岸面目頗兀異寥寥  
伴侶外揮棄不足道粉墨久蕭瑟精神如可告愁坐患得失胸  
藏咽吾驟

別吳天章徵士

春星堂詩集卷六

延芬堂集上

三 藏陸氏遺書

伴狂踪跡荷相憐姓字曾聞十載前每憶貧交賒白檠  
怡逢世路各青錢著書自署蓮洋子發願同歸竟率天  
畔蘆花秋瑟瑟離帆迢遞益潸然

早春與洪稗村水亭閒坐

殘雪未嫌雙髻白春風欲遣柳條青水邊亭子殊清絕君但吟  
詩我解聽

以舊評唐人詩集贈稗村

屢徙家無定殘書輒自隨品評知未當持贈與相思卷少公應  
作篇多愁苦辭古今應一概吟罷轉成悲

題稗村寓齋并

古井何年鑿清寒水一窪今同王粲宅昔豈葛洪家素綆堪頻  
汲銀瓶底用誇波瀾不起處相對自無譁

讀杜牧之集

牧之經濟在遺文顏柳摩韓思不羣莫泥青樓腸斷句錯將  
子認司勳

題旅舍

年來歸計渺無期不渡桑乾也自悲計月賃房憂日促從人乞  
米苦炊遲門前絡繹過征騎隨舍飄搖樹酒旗每出無車還斷  
飲青苔空欲上塔墀

春雨

乍暖微寒風景好俄看春雨降田疇輕塵遍灑飛難起芳草平  
錦澗已稠公子晝閒邀客醉美人夜醒替花愁豈知野老扶藜  
待幾月焦心爲夢秋

寓齋春夜飯月

春星堂詩集卷六

延芬堂集上

四 取諸汪氏遺書

荒城春色少孤月獨相親解照無花夜如憐失意人紅燈憎熠  
短白首訝霜新卻怪替裙客趨蹌只望塵

示洪之震

稗村子

制科文字未爲精爲晰源流汝自成莫慮東堂一枝桂近來難  
作是公卿

贈笑上人

宦遊曾聽演三車十載茫茫昔夢餘今日相逢眞一笑朝衣欲  
施聲換袈裟

寓感呈洪稗村

翩翩兩仙人共謫塵世間一爲希人爵誤戴進賢冠千祿文偶  
工巧宦術終難泮沈沈隱際意可避險艱豈知含沙者遂爲護  
構端其一志千古獨立風騷壇燎原烈烈火水壑颺颺寒大將

臨巨敵老禪閉重關正聲駭聾耳瞶然側目看迷捩脫署事羽  
翮竟摧殘二千忽相聚窮巷共門關局促類二鳥呻吟鳴悲酸  
昔志輕鼎鑪今情營豆萲荆棘幸已除衰食獲稍安大文字宙  
垂放跡江湖寬從茲百年役可作一瞬觀其待滿限滿游戲三  
神山

張太守以一犬相贈戲題二絕

會隨五馬雙旌住骨相馴良種類希贈與山翁無別用琴書常  
護守松扉

高人相約賦閒居攜爾江東歸做廬亦使留名伴黃耳不勞辛  
苦寄家書

都門重晤李梅崖同年

長安握手各潸然舊事經心記昔年三十五人君最少大羅天  
春星堂詩集卷六

延芬堂集上

五 取諸汪氏遺書

上會舉仙

習俗人情任是非千秋志願已無違梅花滿屋書千卷何事朝  
披一品衣

贈鄭方南黃門

鄭公早歲胡輦器籍籍聲名起漢南科目文篇堪示的掖垣封  
事待陳函材非杞梓元應棄節比松筠益自慙若輕陶潛去彭  
澤平生官職我爲貪

贈李木庵侍讀

窮貪山水病吟詩人道顛狂不稱去時惟有多情李侍讀不隨  
衆口定妍媸

追悼先師家比玉先生

夫子乘箕已廿載門生追感未能忘講易座荒餘敬几草元帷

撤鎖空房吾家本自有顏子閨里今猶說彥方好傍湖山成墓道欲磨片石赫幽光

上座主蒙宰熊先生勸田淮揚

座主丹心催髮白門生顏貌亦頽然扶風帳遠三千里陸氏莊荒二十年學術程朱應紹統著有學詩騷屈宋復差肩行臺蕭寂參高座依舊深宵立雪天

書孟東野集後

秋嶺寒泉氣韻奇諱窮還讀孟郊詩嗟咨纔盡燈前卷明日家人報斷炊

奉簡大兄孝猷時居禾中

賢兄與愚弟兄年俱五十如何多睽離此手不常執構李居誓卜邢江茅未葺黃夷兄弟方迫婚嫁弟未辦養笠擾擾百年中何春星堂詩集卷六

延芬堂集上

六 取應汪氏遺書

者為緩急相期擺俗慮庶使清虛入有暇對牀眠吟詩續家集名山足力健尚得攀窺級幽情宜道服神仙可學習況君孝弟人厥本久已立浮雲視富貴自昔不維繫起居通問外衷語灑墨汁小姪聞授書不僅知拱揖此事真可娛後人雖既翁因思童稚年竹馬矜袴褶與兄競嬉遊緬邇恒於邑

三月晦日白蒲訪薛含芳

則來旬日日相思綠樹陰陰畫景遲不惜停舟更一宿邀君共作送春詩次日立夏

崇川重晤顧同束

偉節尚書後清風遺子孫品高難入俗交廣竟誰援只有書連屋全無僕掃門夢夢千古意對坐欲忘言

僕輩作腐羹弟發遠與客共稱之口占解嘲

仙味淮南勝鼎烹稍加鹽豉更芳清卯君也愛閒風味取配東坡玉粳羹

甲戌立春日寄懷雒皋冒辟疆先生

羈客江潭畏歲芳感時懷舊意難忘年臻九十顏尚好膝繞兒孫共侑觴人妬奇才居放逸天畱老眼閱滄桑閒情猶自耽絲竹况有酣春饒臘忙壬申除夕先生手書饒臘

題姪濟臣所贈吳松畫蘭

畫蘭只數筆氣韻迥不同阿咸負高致遺我以清風怪石更一塊幽篁三四叢果爾得斯地吾將老此中身歿名始重堪嗟俗眼瞽松發後畫益貴

題定園畫老少年

自染臙脂學放顛鄭公嫵媚正堪憐髯兄健筆乃為此特為時春星堂詩集卷六

延芬堂集上

七 取應汪氏遺書

人愛少年

友人問吳門舊遊

蒙君問我吳中事廿載重游益愴神魯望扁舟誰躡跡鐵巖詩體欠嬉春青袍座上多新貴紅粉筵前少舊人着處迷方難記憶飄零現在只開身

廬江宋嵩南太史過訪因贈

喜聞門外駐高軒太史丰儀驚鶴駕宋玉才華人盡伏虞翻骨相自知屯文從游覽關民瘼昔遊西湖有喜雨記詩必清新洗俗言但到京華逢舊識謂予衰病臥文園

晚春雨中簡張虞廷

雨沈繁香兀坐清花枝漸減似人情衝泥也自能相訪綠絳聲中好句成虞廷能詩喜琴

虞廷饒米簡謝

平生無巧懷最拙在謀食朝餓或斷烟抱書至曉黑愁凝遂成性亦未省憂感張君同調人拯溺虞無力一旦分白粲慨然無吝色長髮來致詞短箋敘歷歷中言慈親病日頗亂胸臆復念故人餐貽此免市糴世交各自媚此意何由得從來稱管飽分金深感激叔牙適有金分之亦友職我友至分餐其家不封殖親病還急友誠愛已云極一人敦古道堪為薄俗式書此代報書詎惟感私德

詠臘梅

歲寒標格迥知不羨春風玉蕊凝脂潔檀心暈的工能添粧閣韻詎使臙瓶空但把清香關前人恐未公陳后山詩永思不在此難散臘香來

送中洲上人歸黃山

春星堂詩集卷六

延芬堂集上

取諸汪氏遺書

名山新結搆願力自深長欲借有為法同脩無盡藏渡江詩更好入座語難忘猿鳥欣相望閒雲鎖舊房

始寒

燠盡寒已伏往復固其常天風起先知我獨如枯桑

聞山石地震

經世雖非職驚聞徹荒晏每思老氏言有身即吾患

乙亥初夏謁晉人自吳門過訪

嫩綠殘香合斷魂把君詩卷共開尊揚州風景雖如舊只有心齋張不閉門

隣店猶能賒老春異書難借每生嘆盧仝洛下書船到應報孟家忽不負書船句見東野集

悼亡詩為狄向濤館丈賦

長日炎炎不可支敲門忽送悼亡詩重緇辛讀天容慘急嚴寒風欲下時

玉琴銅梁日相思冷月孤帆到素帷我似樂天聊作達苦將禪語勸微之

戊寅中秋夜與扶蒼弟同舟玩月

今宵還作客詢是不羈人促膝宜舟小除燈愛月親秋容看愈皎詩思覺能新兄弟多情話翻嫌漏鼓頻

京口贈都取士總戎

二十年前早識君才華門第兩起羣雲間判袂絨書曠京口披襟舊誼殷常日下帷真學者有時上馬即將軍欣瞻節鉞雄江左計隔轅門只暮雲予時僑居揚州

白蒲苔薛含芳

春星堂詩集卷六

延芬堂集上

取諸汪氏遺書

幾年愁寂坐書空今夕高齋嘯晚風磊落雄才君可羨蕭條生事我應同酒傾蕉葉還能飲詩傍梅花也易工世路嶮崎何足怪不過令我不三公

渡揚子江

遠水愁心望欲驚白頭遷客事晨征今朝風日偏晴好翻訝江神不世情唐施肩吾及弟詩江神也世情為我風色好

秋夜臥疾

比鄰歌吹聽初歇竟夕支牀夢亦無藥爐聲沸燈光暗一點秋蟾照病夫

苦雨

十日苦雨竟不歇仰視高天無白雲百足怪蟲緣金出九頭妖鳥向空聞頻更几榻徒漏屋似排簷瓦張水軍乞米無由矧載

酒向人步口亦何云

過石塔寺

閒過石塔前  
古佛金身拜禮遲  
惟羨空門無一事  
老僧映日攝蒼髭

真州文丞相祠

廟貌巍然在精靈  
永丕刊高天  
傾白石丞相豈黃冠  
千古血猶碧  
三春氣自寒  
迎鑾徒振望  
真州一江名鑿江流水恨漫漫

無題十二韻

昔年曾夢小遊僊  
朱戶春宵月影圓  
窻下烏龍眠未穩  
舊頭鸚鵡語初便  
小蠻引入幽深境  
令我徐窺別洞天  
綽約嬌姿立未正  
關珊情態猶偏生  
疎長向人前語  
羞盡全教暗裏憐  
慵展錦衾難對面  
斜風繡榻強差肩  
靈犀一逗俄驚旦  
彩鳳雙飛定

春星堂詩集卷六

延芬堂集上

十  
取諸汪氏遺書

幾年睡起閒看展  
書籍粧成更愛弄  
丹鉛簪花妙格親  
題字濯錦勻香自製箋  
池內沈魚頻眩影  
行時早地忽生蓮  
自從玉洞桃花杳  
一似蓬瀛海水遷  
清夜獨翻惆悵曲  
因風遣寄阿誰邊

示僮

檢書亦良苦  
知我有此癖  
猶勝遇盧全  
日有煎茶厄

題蕉葉扇

蒲葵懶製拙  
拙素得名虛  
仍是芭蕉葉  
殷勤蘸墨書

婁東寓齋題壁

短棹聊爲汗漫游  
客中情味最宜秋  
時人未識先生意  
訝道車前少入驢

題滕王閣

高閣滕王歷幾秋  
我來迢遞一登樓  
憑欄觀水清塵慮  
據案看

山豁遠眸帝子詞人俱寂寂  
落霞孤鶩自悠悠  
尋常賓主奚堪羨  
擬共僊靈結勝遊  
洪都向多神仙

秣陵秋思

顰眉書客感秋天  
懶向金陵酒肆眠  
行盡青溪溪幾曲  
敗荷衰柳最堪憐

癸未春過虞山追悼錢遵王

到來還訪故人居  
豈意脩文已歲餘  
地下應逢老宗伯  
訂脩平日未完書

生男之數倍陶公  
况復賢才迥不同  
今日謝家看玉樹  
園亭猶是舊春風  
令嗣十人

橫塘垂柳正如絲  
細雨孤舟兀坐時  
記得年前招飲日  
虞山對面共吟詩

春星堂詩集卷六

延芬堂集上

十  
取諸汪氏遺書

廢苑荒亭寂莫開  
坐聞鄰笛起悲哀  
眼前舊舊銷磨盡  
莫向昆明問劫灰

秋感

病起獨登臺  
秋風白雁哀  
衙杯愁不斷  
看劍老相催  
宿霧疑藏日  
空潭忽起雷  
還方誌災異  
身愧救時才

擬古樂府哀笏婦

汪氏有弱息  
質性自端好  
女工既嫻熟  
文史亦粗曉  
連年正及笄  
婀娜羣表乃父因晚得  
常願有家早往與媒氏  
謀女聞憂心悄兒當終事親  
長此膝前繞人生會有夫  
何如奉親老媒氏還白父  
程郎夙慧少汝家世儒業  
清貧不足道去作程氏婦  
世賈富可保父子操奇贏  
詎惟享溫飽乃父尚稽遲  
媒氏不肯置勸言趣納徵  
良辰綵輿至拭淚女就輿  
華筵列鼓吹新婚甫三

日隄勉趨婦事恪事舅與姑承顏在馴致偕咏雞鳴章辛勤表  
素志家人誦賢德小姑如一氣在舊倏歲週良人病浸漬憂擾  
湯藥間奄忽成永棄悲號感蒼穹撫心矢不貳無如姑悍驕日  
者乘獻媚令子命富豪因婚召來崇婦命合貧寒孤虛法所忌  
姑聽日者言痛悼情始熾富兒既夭折幾婦直徹展思兒便疾  
婦排黜供驅使簪服爲變易面目減溫媚竟日不再餐輟撻難  
數計見者輒訝之誰求藍縷婢新婦且安在詎意此卽是求生  
已不遂展轉乃求死乃父匍匐來阿翁良負子只今暫歸甯庶  
幾旦夕耳女進白姑行姑嘆足旋止夫死骨未埋何暇省閨里  
一歲還復迎姑言率如此亦越三載期父母共迎女往返再白  
姑甯料終勿許乃父隔女家閨人堅辭阻數往僅覩面含淚不  
得語父去被姑笞作書達父所此生乞相忘長途拚脩阻戚屬

春星堂詩集卷六

延芬堂集上

十一 陸汪氏遺書

清明湖遊曲

細雨輕帆蕩碧波清謳擊榜勝鳴珂已聞北郭軒車集又見南  
岡邱壠多過眼風光幽興愜逐人杯盞醉顏和桃花短短裁初  
就楊柳青青奈爾何

夢祖母感賦

伊余生三歲孺弱如在襁氣力雖纖微眉目已軒朗我母每善  
病祖母視無兩已毀復裝綿食少爲快快五歲命句讀日事在  
勉強歷歷指陳事親及敬長吁嗟十齡外智識稍開廣強飯

敏屬文隱然加欣賞朝就塾師側舉動必咨訪歸來舉燈下抱  
經令侍講苦心防未然健戶閉情想期我璞中玉愛我珠在掌  
痴兒意所之曲折翻俯仰十七爲子婚聘帛都自紡孫婦始入  
門不得展孝養一慟摧肝腸雲昏結哀響忽忽今十年歲月如  
飄蕩夢寐通精誠督責猶不與舅婦顯淡漠不道成已往覺來  
若有失盡日神情悅書此銘積衷涕淚零幽壤

雨中湖上訪施愚山

蕭瑟秋風白雁飛明湖波闊雨霏微十年握手情何極百遍看  
山興不違老樹參差寒碧色芙蓉憔悴落紅衣三都新製閒披  
覽時以西江新賦見示揮塵深談暮未歸

夜坐理篋得先大人遺書數種愴然

檢視殘編午夜餘呼僮秉燭坐歛歎人生七十過三十歎我何

春星堂詩集卷六

延芬堂集上

十二 陸汪氏遺書

曾讀父書

異州暮春雨中同孫約人紀榮子程隱菴家子真寓齋

小集

江館相逢未厭遲感懷因在送春時和風入座偏宜酒暮雨常  
慙促賦詩遊况吾曹同一轍交情數世雅堪追蒲帆半日過從  
易不用臨歧折柳枝二子爲僞揚寓公予亦久客未去

初夏閨情

已是春歸莫謾嗟清和風景到兒家薄勻翠黛迎新綠暖卻濃  
粧映曉霞團扇自描騎鳳女輕衫初織關雎紗聊同夫婿閒吟  
咏烹得江南穀雨茶

寓齋遣興

有客來而復去先生起後仍眠忽聽數聲幽鳥一罇又列花前

哀蘇崑生

崑生以清曲擅名久遊先大夫之門後爲樹材先生賞識年七十餘寄寓惠山僧舍已未夏竟臥疾死詩以悼之

四十年前絕藝名忽聞凋喪旅魂驚舟過九龍山下路當時曾此聽歌聲

新聲競響沸朱門俗賞誰憐古調存泉下重逢知已在從今不用哭平原

聽泉古寺記高眠再過追尋卻惘然前輩風流零落盡傷情不獨慟龜年

書懷寄友

萍踪羈旅欲浮家幾見春風度歲華覽勝每穿高齒屐出門常駕短轅車竹間置局因耽奕林下開樽爲詠花獨有良朋差久

瀾一江迢遞似天涯

春星堂詩集卷六

延芬堂集上

十四 陸氏遺書

憶西湖

歸塵滿眼目世務填心胸人生無好景四序如窮冬緬懷西子湖眷言思舊邦娟靜固罕儔浩曠亦無雙波光如鏡拭山色青濛濛青山無怒濤輕舟漾其中蒼翠生衣袂健漪颺輕風雨奇晴亦好寫照惟蘇公矚目已得趣屢涉不可窮三春桃李姿點染自然工荷花與桂子掩映爲秋容遠峯明積雪皎潔仍冲融足知眞色勝景物紛和從頗厭絲竹喧而况羅綺叢我本聖湖客經年阻遊踪清夢每飛越猶嗟滯樊籠渺渺西泠渡空羨釣魚翁

寄懷毛稚黃

叢桂蒼蒼碧葉疎旅人聞寂歎離居白雲嶺上餐霞客抱膝長吟正著書稚黃卜居吳山

孤山林處士祠

孤山配高士祠古聖湖邊放鶴栽梅意先生亦偶然

憶先大人

嗟哉我父屏委俗學孝先便腹林宗折角高節偉行儒林騰蹕一經終老冲襟抱璞藹藹矣春風不爲世濁懷古長嘯胸羅五嶽斯文元氣匪雕匪琢聞摹法書姿致濯濯醇誨在耳遺帙在握緬想音容涕零幽遯

夜坐

兀坐空堂已二更微風習習夜遷生都來幾許關情事忽聽一行哀雁聲聞藉絲綽消寂莫老嫌紅燭太分明月斜簾幙鐘初動獨向塔前散步行

酬江郢上贈墨

春星堂詩集卷六

延芬堂集上

十五 陸氏遺書

羨子新詩句句好喻麋雅製亦風流裁書爲報孫莘老近日聯牀有子由時家弟仁遠亦在寓舍

雪中東孫豹人

一年春兩頭寒威宜早飲如何終日雪晦色雲黯霾天道苦難測人事冗多感遙憐白首翁空庭行冉冉吟寒豈襲孟飢冷久同范我有一尊酒性溫味彌淡未堪飢餓腸持饒張文膽有興卽叩門無事舟迴剡

題采石李供奉祠

重樓突兀俯青岑門外滄江百丈深市酒未堪供一獻詞人誰敢繼高吟烏巾紫綺顏如在皓月清風直至今才大古來難用世蕭條異代有同心

有約

有約何曾得自由情多翻覺悔風流蕭蕭暮雨空相憶杳杳行雲去不留江上舊傳桃葉渡春來擬採木蘭舟懸知畫閣今宵裏挑盡殘燈訴盡愁

爲友人悼亡

幾載神傷意未平夢中疑在覺還驚惟憐潘岳多哀思未信莊周是達生嬌女畫眉應有樣馨兒學語未知名得金諒墓吾當免慰子何啻不及情

送姪大山之黔

淮海有奇士掩抑蓬蒿間窮居三十載笑傲無戚顏忽爲萬里遊逸翮凌塵寰奇文携百軸引助在江山金筑歷險峻靈泉聽潺湲後文昌草飛檄莊躋啟重關古賢樹鴻圖曩載堪躋攀功名吾輩事苟得非所艱高堂有老親衣錦行早還

春星堂詩集卷六

延芬堂集上

十六 陸氏遺書

廣陵晤趙積生同年卽送歸武林

十年同榜稱兄弟偶聚眞如欲曙星歷落文章驚海內蕭條杯酒話旗亭三春搔首已空擲夜雨連牀且共聽無限離情送征棹迴看江上數峯青

秋夜詠月

秋月過夜半晶光乃透發沈酣枕簟人此理每荒忽延清洗滌慮顧影照寒兀煮茗佐微吟新泉命童汲

入秋

暑氣已衰謝終朝雨欲闌秋來喜病愈涼早怯衣單買得桂一樹移栽竹數竿殷勤貯秋扇又作隔年看

牆外樹

塵踪久已斷鄉信近來無惟有青青樹牆頭顧病夫

俞中翰水文舫亭落成和元韻

柳色名園四顧青芙蓉徑畔散芳馨開窓近水娛心目作屋如丹坐看真侍女銀箏調法曲主人班管勒新銘翻嫌杜老酸寒甚空藏乾坤一草亭

酬贈黃交三

風雅情親我輩交宵嫌仲蔚臥蓬蒿久拋明聖湖頭月來聽廣陵江上濤入座早如披宿霧清言還似飲醪醪懸知詩是君家事箋傳何須數鄭毛

送許南交北上

翩翩白馬警金環分手何須愴別顏客程倘憶江南景展看奚囊盡裏山南交善畫

錢郎詩話鍾翁文構李先生首唱感

南交贈行集首列錢湘靈家舊文字及伏謀司製詩

春星堂詩集卷六

延芬堂集上

十七 陸氏遺書

願我客途還送別折梅何處可貽君

卽席贈繆墨書

美人二載隔吳陵相對翻令別恨增早辦融尊消永夜敢言陳榻爲良朋翩翩雛鳳才皆逸矯矯元龍氣不矜極目雲霄豈寥闕扁舟還待爾同登

送戴景韓歸白嶽

安道才名人共稱翩翩蘭棹發吳陵言尋白嶽鄉心切問渡清江詩思澄松菊流連耽逸興雁鴻迢遞憶良朋蓮花峯畔吾家在欲辦歸裝竟未能

贈趙圓仙學使

秦岱鍾靈應列垣茂年射策向金門秩宗典禮真恭著南國銜文氣象尊綱得珊瑚驚照眼蹊成桃李竟何言但攜琴在清風

清代詩文集彙編

肅供帳無煩候吏喧

贈張蔚生明府

范公堤畔偶停舟下馬重逢張益州論舊十年驚鬢髮開尊一

夕散離愁疲民水旱關心切裕國持籌佐理優時署泰州分司

聖世求賢方側席淮揚南得久淹留

賦得樓上花枝照獨眠

樓上花枝照獨眠殘粧委卸鏡臺前已嫌更漏清宵永更妬明

窗落月圓盡蕊窺人空灼灼瓊姿照影自娟娟牀空卻厭飛香

入雙枕芙蓉亦可憐

壬戌冬日過東皋訪冒辟疆司李水繪菴中得詩十首

和秋嶽司農元韻

吾黨推耆碩風流應在茲問年同輩少論舊得交遲學海尊鴻

春星堂詩集卷六

延芬堂集上

大 陸汪氏遺書

筆滄江把釣絲麗眉一相對持此慰遐思

平生重風烈大義在君親擊笏消姦膽看碑識黨人燕安非爾

志龍性豈能馴極目滄桑感憂心類小戛

愛客真成性屏開列玳筵何哉翻舊曲賀老撥冰絃細雨湘簾

隔凝寒絳蠟偏深談還欵欵勝事說當年

世事看蕉鹿閒情對水鷗高人元近道作達可忘愁冉冉疏光

逝蕭蕭兩鬢秋名園傳水繪花外有層樓

迴絕靈光殿高標自不羣俗聲驚古調時態薄秋雲貧病人誰

憶憂議我願分蒼蠅徒擾擾局開不須聞

山林真引興禮法自相寬才思如春草迴風生紫瀾家人進鳩

杖俗吏餽脂肘手種青松在盤桓盡日看

推挽多才俊相看眼自青萬間堪止息一飯慰飄零痛飲常投

轄高堂快聚星吟君哭友句哀雁叫寒汀辟疆有哭陳其年詩

匿峯廬畔坐向晚落霞飛白雪詩篇老寒梅香氣微匿峯在水繪之側

檻草長釣魚磯當日賓朋至車裝卻似歸匿峯在水繪之側

天地何蕭瑟重逢隋苑東忘年敦夙好慢世哭途窮歲月如奔

驥生涯任轉蓬蒼茫無限意吾道付冥鴻

偶聚還分手愁聽風葉鳴河橋竟欲斷海月魄初生鄉夢紫吳

會王程指冀城離楚偏苦戀沈醉莫教醒

立春日辟疆招集匿峯廬

良會誰能數今朝况是春園亭存舊蹟天地有遺民白雪鋪瓊

砌紅梅點絳唇還看新月上清影照佳人時有校書在坐

潘山人送米炊

香秬炊就色晶瑩春自梁鴻杵曰成我輩交情愛真率應知絕

春星堂詩集卷六

延芬堂集上

九 陸汪氏遺書

勝五侯歸

東皋朋友

惜別江淹賦銷魂對寂寥殘花戀山館暖淚逐歸橈聯咏三春

月相思廿四橋王程行急赴無那勝情遙

春杪亦園夜坐

一池春水明如鏡乍起微風噪暮鴉滿地清香半窗月誰能孤

坐賞殘花

浮香亭梅花用秦太虛韻和段玉川使君

有朱暗賢骨已槁我來訪舊漫傾倒暗香消盡古亭空徒令憑

弔增煩惱苦憶寒溪爛漫時老梅偏占春光早天桃穠杏等奴

僕凡妾俗艷難比好茂陵題榜拱璧珍羣公醉墨珠璣掃今之

太守古蘇公鄧尉詞人稱宿老謂孝威也我塊蘇門淮海儔官閣

衙杯同屬草會須與復舊亭臺遍植瓊枝報晴昊

梧竹草堂圖歌爲玉峯顧符文賦

炎蒸逼人揮不去忽對斯圖覺眼明碧梧翠竹動蕭颯開卷拂拂清風生金粟風流成往事玉山寂寞徒睥睨羨君神仙姿不減舊阿瑛茅堂三間書萬卷雲烟隨意灑墨成門前雖無車馬客戶中時有商歌聲何時載酒維亭路盡攤妙繪衙杯傾梧風竹露浩吟烏毋使會稽康夫浪得名

贈段雪菴進士并呈尊公玉川先生

茂年射策早騰鸞侍奉嚴親雙鹿輔劉龍一錢初不受胡威片絹又何言凝香燕幾招詞客春草西堂夢舊園慚愧才名稱伯仲感恩祇合在師門

贈桐江黃介伯

春星堂詩集卷六

延芬堂集上

三

陸氏遺書

品第文章總軼倫凌雲高節比松筠少年里黨推名士此日儒林拜丈人蕭灑清風來楚簞淋漓醉墨岸紗巾蓮花幕裏尋蘭友星聚還應羨主賓

消夏詞

曲沼紅蕖滿雕軒碧樹叢甯誇陶令宅只有北牕風珍簾龍鬚結紗幮鳳尾封閒來午睡起雲影看奇峯月團圓磁盆葡萄瀉玉卮金樽觸手熱嫌道不相宜尙覺槐空閒惟懼蘭室清青衣白團扇促坐侍狂生冰盤堆新果文石畫棋枰與客未終局隔簾聞玉笙暫散紅羅綸不燃金僕姑胸中襟懷想壁上蕭湘圖閣中三婦艷林下七賢俱勝概并高情曩賢得似無迎風收畫扇待月減蘭燈閒揮玉如意何處有青蠅

延芬堂集

我豈野人野亦學漁父漁不冠復不襪時還讀我書勝地無三伏高譚大九州閒看碌碌者天地一蜉蝣

采隱詩贈趙閭僊學使和黃仙裳韻

叔度高風甘卧雪萊陽藻鑑比陽春一經願盼皆名士纔到衡茅似故人使者能携孤雀至先生生愛野鷗馴仙舟盛事傳佳話又見門前擁畫輪

癸亥七夕偶占

守拙終年百事疎空陳瓜果意何如愁看咫尺銀河水昨夜新收徐淑書

江渚重晤秦以御又贈

淮海云亡五百年君才應不讓前賢新詩讀罷惟狂叫欲解金龜醉謫仙

春星堂詩集卷六

延芬堂集上

三

陸氏遺書

贈昭陽陸懸圃處士同里蔣霞生孝廉

高雲亭館碧嵯峨二美清懽屢見過邱壑甯容蔣生老文章不數陸機多長宵秉燭耽鉛槧勝日登山厭綺羅共有千秋吾輩事酒關何用更悲歌

冬菊

草閣無春氣孤花表歲寒依依癡冷艷濯濯奉清歡素壁煩相映落英猶可餐三薰更三沐盡日與盤桓

寒夜吟

季子雖貧甚尙有黑貂裘我今并無此破衾擁黃紬寒風颼颼雪片大屋角搖動如虛舟胸中豪氣自千丈大言炎炎凌九州靈奇呈古籍光怪蘊吳鉤檢書看劍撥棄細故捐半愁殘燈落寒月餘火儲香篝詩成疑若有神助斗酒還當與婦謀

河冰行

狂飈動地七日發長河一夜水生骨牛車牽轆苦不前行旅疲  
疲騎馬滑蹄吏催租恐後期終朝戰捷無已時租完上舟不得  
濟卒注下考將咎誰罵男賣女氣悽慘白日餐餐難舒眉羈龍  
抱珠暫休假波濤無聲忽暗啞豪士棲運東海東噀壺敲缺吟  
長風奇才飄落但僵卧亦如高舸大編棄置河之中

午日齋中小集

到處繁華矜節序小齋是日亦傳觴榴花照眼憎俗豔艾葉儲  
糞發舊香鏡渡楫喧喧惟宴坐悼亡詩好益神傷有哭蔡少親朋  
君詩百首情話依依在稍覺他鄉似故鄉

口占贈施天如

吟成寶劍欲游仙尊酒論交隋苑邊指點眉間豪氣在斯人豈

春星堂詩集卷六

延芬堂集上

三

陸莊氏遺書

合老青瑣

示錢錦樹

摩詰何曾是畫師烏衣才子例能詩酒闌一奏陽春調能使羣  
公盡解頤

老夫曾發少年狂駿馬名姬擁錦囊近日禪心消半榻縱橫才  
調屬錢郎

過露筋祠

破浪迴秋風帆早嚮晨曾聞蕭氏女不數洛川神正氣留巾  
幘荒祠問水濱忙忙名利客誰爲薦芳蘋露筋夫人姓蕭  
見徐文長別集

廣陵贈方子并以誌別

陽春盛桃李懼不禁霜雪所以松竹姿傲然臬高節揚州駁雜  
地泛愛多不屑晚交復方子文行欽峻潔氣味喜乍投孤情頓

能熟貽我詩一編飄咏常不徹杜韓淵淵源卑吟耻靖劍廉頑  
與立懦豈止自怡悅聚會曾幾何離車已子子思君誦君詩聊  
可破紆結迴首廣陵城寒潮哽咽咽

哭吳處士野人十首

吳陵吳處士近代一詩人破的疑無古能工果類貧蕭條三徑  
在所居名潦倒百年身歿後誰知已徒勞永嘆類

心齋真理學我友得詩名王心齋先生與處  
士俱海陵安豐人僻壤靈氣不因

軒冕榮梁鴻有賢婦冀缺每同耕白首偕泉路吟蒐累亦輕

生長魚鹽地能歌白雪詞因逢橡園老謂周  
司農始受韓公知奇氣

常自歛窮途南復悲寂寥身後事誰更覓鍾期

倉皇成永訣方悔識君遲命棹隨潮汐聯吟引酒厄予與野人  
俱不能飲

五年常會面畢世共心期剩把遺編讀如聞隣笛悲

春星堂詩集卷六

延芬堂集上

三

陸莊氏遺書

襟懷既蕭散古貌復蒼然未入時人格宜生慶歷前名心偏自

澹老筆愈增妍更有孤高處平生不語錢

海內王司理阮亭  
先生殷勤特造廬開尊親掃榻遣吏數貽書野老

驚相問先生坐晏如一瓢安陋巷榮志在樵漁

葭村甘匿影耻受衆人知西舍酒初熟東籬菊放枝飄零一遺

老寂寞五男兒靖節高風似折腰終不爲

晚年薑桂性孤詣益難攀長日炊烟斷清吟有好顏手持醴醪

酒送子茱萸灣囊中所脫贈薄小意相陶

簡率稱同調相思命野航品茶忙陸羽倚月嚙吳剛羣鳥喧孤

鳳貞松後衆芳名存應不朽獲報在穹蒼

同穴惟佳耦良朋共醴資詩篇已流布鬼魄更無悲處士時未  
卷未梓家

爲補刊孤棹何堪理臨華盡日思翰林交誼重亦指  
梅齋親爲寫遺

碑

秋日雜興

秋容如畫一番新  
領畧風光未是貧  
古桂飄香花似粟  
明蟾照檻色如銀  
但愁詩卷無新句  
豈問雲霄有故人  
正好憑軒發清嘯  
卻緣歌管惱比隣

自種籬邊菊數枝  
無人送酒也相宜  
平生不作悲秋賦  
隨例還成賀雨詩  
橘柚洞庭先已到  
蟹螯重九亦堪持  
芙蓉江岸垂垂發  
舴艋常操傍水湄

秋花媚媚秋月明  
晨夕爲歡達此生  
未經飲酒少真氣  
除卻彈琴盡俗聲  
劉向傳經成底事  
賈生泣諫亦空名  
何如淨慮超塵俗  
獨坐焚香禮上清

擬裁新賦壓秋聲  
眼底風光畫不成  
紅樹青山容偃仰  
白衣蒼

春星堂詩集卷六

延芬堂集上

三十四 陸氏遺書

狗任縱橫香杭炊熟魚羹美  
碧醪傾將荷盞擎  
吾醉忘吾真懶慢  
誰分張丈與殷兄

吳陵苔贈野人先生  
此詩應在吳吳處士詩之前今編前後失次者甚多不知其故存以志疑

世上無神仙英雄寄酒色  
援筆賦美人微意只君識  
奇士淪草莽晚年爲我得  
良友比傾城  
睽離動相憶  
綢繆與愛護自不惜  
餘力我常慕  
相如文章愧華國  
袖中辣蠶書養閒還自匿

人各有不能爲通匪爲病  
子窮我宦拙要各有天命  
昨逢東海濱俗人不知敬  
鴉鳥啄孤鳳逝將逞兇橫  
酒酣拔劍起鋒銳氣彌勁  
移之千仞岡德輝始相慶  
從容論素心蒼茫發高詠

原作

吳嘉紀

長卿最風流汪也或相似  
自抱龍脣琴來訪鳳城  
幸何曾近

延芬堂集

富人只是愛貧士  
時花發北園夜雨深  
東海離羣夢寐尋見面  
囊囊解高義齊泰山  
茂陵安足比

割瓜須去蒂結友要得力  
交多憑藉少味苦心偏側老身年七十不識南與北  
邂逅值饑狼將身欲作食  
陌阡滑滑泥林薄糞叢棘劇孟何處來  
賣刀好顏色

寄贈龔含五同年

故人多在烟霄上  
惟爾時時念索居  
八尺含風貽楚簟  
時見惠一行歸雁報燕書  
夢熊小婦頻生子  
娶姬已生四子竹馬兒童競拜余  
笑我冰銜只如舊  
馮唐雙鬢已蕭疎

一 鱸一硯歌爲吳續章賦

錦裘快馬金絡頭  
吳子掉臂目不雷  
吳絲蜀絃聲喁喁  
吳子聽之增繁憂  
士龍老屋天隨舟  
忘機默坐乘興遊  
一鱸一硯恣冥

春星堂詩集卷六

延芬堂集上

三十五 陸氏遺書

搜宣皇古鑄同天  
球南宮片石嗣風流  
兀傲不肯干王侯  
左圖右史相獻酬  
天桃穠李非我傳  
碧梧脩竹風景幽  
沉水甲煎香烟浮  
中書客卿輸良謀  
好奇嗜古疾不瘳  
惟我與子相綢繆  
取嗤俗人何時休

維揚喜遇倪閣公即送之都門

黃菊丹楓正晚秋  
京華蹤跡暫淹留  
彩毫自昔傳三賦  
僂鶴難期共一舟  
余與閣公先後赴京甫訂芝蘭稱石友久從卷軸羨銀鈎書長

安尊酒聯同舍應對瓊枝釋旅愁

搖落西風拂面寒  
繁華聊此駐征鞍  
刑江競艷賈客樂  
京洛同悲行路難  
白日放歌新句好  
青雲握手故交歡  
斷腸春色江南遠  
願有雲林圖畫看

徒相逢行

君乘車我戴笠他日相逢下車揖此語今人殊不然一朝身貴  
貧交不敢前道旁側目仰首揚鞭門有榮戟小吏傳宣熊羆豹  
胎履既不成權狐白之裘紫貂飾綈袍戀戀離復當相憐君升  
登我返權士各有志何足效纖屨編簾樂在名教烹葵煮菽充  
腹稍稍榮辱須臾間百年爭夢覺徒相逢歸去來如君瑣細等  
塵埃富貴於我何有哉故園三徑堪徘徊落花點點飛蒼苔不  
如朝朝醒美酒惟邀素心之人共舉杯徒相逢歸去來

送顧天石遊中州

驪歌緩唱不勝愁蕭瑟西風攬敝裘莫問梁園舊池館鄴城宮  
樹已凋秋

寄懷春星草堂兼簡諸弟

草堂別來久風景每堪思碧簪雙桐樹青搖老桂枝行為簪組  
春星堂詩集卷六

延芬堂集上

壬子

陸氏遺書

累坐使鬢毛衰春草池塘夢吟成憶弟詩

大父經營日湖山傍卜居融尊無俗客鄰架有藏書花徑看扶

杖王門懶曳裾諸孫慙繼述奔逐復何如

先子文章伯網羅備眾家譚經標正鵠摘藻揆天葩乎姪參高

座門生列絳紗揮毫微醉後移席命看花

夢草攤書坐彈琴聽雪軒

聲繁香笋抽新穠松蘿

樓臺堪對月四面攝烟霞

羽人宅琴尊高士家文章家集在圖書勝情餘

夢寬切鄉心甯有涯

有弟草堂前連枝更比肩同遊南澗曲憶上泛湖船節序催看

老音書見汝賢何時聽夜雨復此對牀眠

春星堂詩集卷第六

春星堂詩集卷六

延芬堂集上

壬子

陸氏遺書

按此詩雖云憶上泛湖船而不及隨喜庵不繫園及  
小園駢觀葉等自製之舫則其時諸舫盡無矣自丙  
午火災書籍皆燬不知何時再火堂亦無存一家之  
人遂各散處每過舊基不勝今昔之慨云師韓謹識